



# Fiqhi ya 'Ibada yenye picha zilizochorwa

Hukumu za Kiislamu zilizowepesishwa


Tohara

Swala

Funga

Zakat

Hijja



Dr . Abdullah Bahmmam

Tarjama

Dr Abdalla Khatib

Marejeo

Sheikh Salim Barhayan

Ustadh Said Abdu

Ustadh Ahmed Yasin Mustafa

Sheikh Said Bawazir

## NAMNA YA SWALAH YA IJUMAA

## Mlango wa Swala

14



# Swala ya Ijumaa

## Hukumu ya Swala ya Ijumaa

Swala ya Ijumaa ni wajibu kwa kila Muislamu, aliyebaleghe, asiye na udhuru wa kuiacha.

Dalili ya hilo:

1. Neno la Aliyetukuka: {Enyi mlioamini! Kulinadiwa Swala kwa siku ya Ijumaa, endeni kwa haraka kwenye utajo wa Mwenyezi Mungu, na muache biashara} [62: 9].
2. Neno la Mtume ﷺ: ( Hawatoacha watu kuhudhuria Ijumaa, au Mwenyezi Mungu Atapiga mihuri juu ya nyoyo zao, kisha wawe ni miongoni wa walioghafilika)<sup>(1)</sup>.

(1) Imepokewa na Muslim

## Yaliyomo

Hukumu ya Swala ya Ijumaa

Wale wasiolazimika kuswali swala ya Ijumaa

Utukufu wa siku ya Ijumaa

Masharti ya kusihi Swala ya Ijumaa

Namna ya kuswali Swala ya Ijumaa

Hutuba mbili

Hukumu za hutuba mbili

Vikamilisho vya hutuba

Sunna za hutuba mbili

Yanayokatazwa katika Swala ya Ijumaa

Kuwahi Ijumaa

Mambo ambayo ni sunna kuyafanya siku ya ijumaa





Mwanamke



Mgonjwa



Mtoto mdogo



Msafiri

## Wale ambao Ijumaa si lazima kwao

Swala ya Ijumaa haimlazimu mwanamke, mtoto mdogo, msafiri na mgonjwa ambaye atadhurika akihudhuria, lakini inasihia kwa wote hao. Wakihudhuria pamoja na wengine itawatosheleza na wakitohudhuria, wataswali Adhuhuri.

## Ubora wa siku ya Ijumaa

Siku ya Ijumaa ni bora ya siku za wiki ambayo Mwenyezi Mungu Amewahusu nayo Waislamu baada ya umma wengine kuwapotea. Na zimekuja hadithi nyingi kuhusu ubora wake, miongoni mwazo:

1. Neno lake Mtume ﷺ: ( Siku bora iliyotokewa na jua ni siku ya Ijumaa. Katika siku hiyo aliumbwa Adam, na katika siku hiyo alitiwa Peponi, na katika siku hiyo alitolewa humo)<sup>(1)</sup>.
2. Amepokewa Abu Huraira ؓ akisema kwamba Nabii ﷺ alisema: (Mwenye kuoga siku ya Ijumaa, akaswali alichokadiriwa kuswali, kisha akakaa kimya mpaka imamu akamaliza hutuba yake, kisha akaswali pamoja naye, atasamehewa dhambi zilizo baina ya siku ile na Ijumaa nyingine na nyongeza ya siku tatu)<sup>(2)</sup>.
3. Amepokewa Abu Huraira ؓ akisema kwamba Mtume wa Mwenyezi Mungu ﷺ alikuwa akisema: (Swala tano, na Ijumaa mpaka Ijumaa, na Ramadhani mpaka Ramadhani vinafuta dhambi zilizo baina yake, iwapo mtu atajiepusha na dhambi kubwa)<sup>(3)</sup>.

(1) Imepokewa na Muslim

(2) Imepokewa na Muslim

(3) Imepokewa na Muslim


## Mlango wa Swala

### Masharti ya kusihi Swala ya Ijumaa

1. Wakati: Ijumaa haisihi kabla ya kuingia wakati wake wala baada ya kutoka wakati wake kama ilivyo kwa Swala nyinginezo. Na wakati wake ni wakati wa Swala ya Adhuhuri.
2. Ihudhuriwe na kundi la watu: Kwani haisihi kwa mtu mmoja. Na uchache wa jamaa ya Ijumaa ni watu watatu.
3. Kuwa mkazi: nako ni kuwa mtu ni mkazi wa kijiji kilichojengwa kwa mawe na vinginevyo miongoni mwa vitu vya kawaida vinavyotumiwa katika ujenzi wa makao, kisichohamwa kipindi cha kaskazi wala kusi. Ama watu wanaokaa majangwani na mahemani wanaohama mara kwa mara, Ijumaa inaswihi kwao lakini haiwalazimu.
4. Itanguliwe na hutuba mbili: kwa kuwa Mtume ﷺ alidumu nazo hutuba hizo.



Wakati wa Ijumaa



Inaswaliwa kwa jamaa



Watu wa majangwani

### Namna ya kuswali Swala ya Ijumaa

Swala ya Ijumaa ni rakaa mbili na kisomo katika rakaa hizo husomwa kwa sauti. Na ni sunna kusoma katika rakaa ya kwanza- baada ya Fatiha- sura ya *Al-Jum'ah*, na katika rakaa ya pili – baada ya Fatiha- kusoma sura ya *Al-Munaafiqun*, au asome katika rakaa ya kwanza sura ya *Al-A'laa* na katika ya rakaa ya pili asome sura ya *Al-Ghaashiah*.<sup>(1)</sup>

### Hutuba mbili

#### Hukumu ya hutuba mbili

Hutuba mbili ni wajibu, nazo ni mojawapo ya masharti ya kusihi Ijumaa. Na zitolewa kwa lugha ya Kiarabu, iwapo wengi wa waliohudhuria wanafahamu Kiarabu na waelewa maana yake kwa ujumla, ili kuhimiza kujifunza Kiarabu na kutoenda kinyume na uongofu wa Mtume ﷺ. Na iwapo wengi waliohudhuria hawafahamu lugha ya Kiarabu, basi hapana makosa kuitoa kwa lugha nyiginezo, kwani la msingi katika hutuba ni kufundisha na kuongoza, si utoaji hutuba tu, lakini iwe pamoja na kuchunga uletaji aya za Qur'ani kwa lugha ya Kiarabu- ikimkinika- kisha kufasiri maana yake.

(1) Imepokewa na Muslim.



## Vikamilisho vya hutuba

Hutuba ya Ijumaa haina nguzo, isipokuwa hutuba inakuwa kwa kile kinachoitwa hutuba kikawaida. Lakini miongoni mwa vitu vinavyoifanya hutuba ikamilike ni vifuatavyo:

1. Kumsifu Mwenyezi Mungu.
2. Kuleta shahada mbili.
3. Kumswalia Mtume wa Mwenyezi Mungu ﷺ.
4. Kuusia watu kumcha Mwenyezi Mungu.
5. Kusoma sehemu ya Qurʾani.
6. Kuwaidhia.

## Sunna za hutuba mbili

1. Kuhutubu juu ya mimbari.
2. Kuwatolea watu salamu anapopanda mimbari.
3. Kupambanua baina ya hutuba mbili kwa mwanya mdogo.
4. Kuzifupisha hizo hutuba mbili.
5. Kuwaombea Waumini dua.

## Yanayokatazwa katika Swala ya Ijumaa

1. Ni haramu kusema na imamu yuwahutubu siku ya Ijumaa, kwa kauli yake Mtume ﷺ: (Ukimwambia mwenzako siku ya Ijumaa “Nyamaza” na imamu yuwahutubu, basi umecheza) <sup>(1)</sup>.
2. Ni karaha kuruka shingo za watu, isipokuwa awapo ni imamu au mtu awaruke watu kuenda kwenye mahali penye nafasi hawezi kuifikia isipokuwa kwa kufanya hivyo.

(1) Imepokewa na Bukhari.

## Kuipata Ijumaa

Ni juu ya Muislamu afanye haraka kwenda Ijumaa mapema. Akichelewa kuhudhuria Swala na akaiwahi rukuu katika rakaa ya pili pamoja na imamu ataitimiza Swala kama ya Ijumaa. Na akitoiwahi rakaa ya pili. Basi ataitimiza kama Adhuhuri. Hivyo hivyo, mwenye kupitwa na Swala ya Ijumaa kwa sababu ya kulala au nyingine, basi ataiswali adhuhuri – yaani, ataiswali rakaa nne-



## Mlango wa Swala

### Yanayo pendekezwa siku ya Ijumaa

1. Kusoma sura ya Al-Kahf siku ya Ijumaa, kwa kauli ya Mtume ﷺ: (Mwenye kusoma sura ya Al-Kahf siku ya Ijumaa atapata mwangaza wa nuru baina ya Ijumaa mbili)<sup>(1)</sup>.
2. Kumswalia Mtume ﷺ kwa wingi. Alipokewa Abu Ms'ud al-Answari ؓ kuwa Mtume ﷺ alisema: (Niswalieni kwa wingi siku ya Ijumaa, kwani hakuna yoyote atakayeniswalia isipokuwa nitaorodheshewa Swala yake)<sup>(2)</sup>.
3. Kuoga na kujipaka manukato, kwa kauli yake Mtume ﷺ: (Mtu yoyote anayeoga siku ya Ijumaa, akajitwahirisha anavyoweza kujitwahirisha, akajipaka mafuta aliyonayo, au akajitia manukato ya nyumbani kwake, kisha akatoka asitie uhasama baina ya wawili, kisha akaswali kile alichandikiwa kuswali, kisha akanyamaza kimya imamu anaposema, basi huyo atasamehewa dhambi zilizo baina ya Ijumaa ile na Ijumaa nyingine)<sup>(3)</sup>.



(1) Imepokewa na Bukhari.

(2) Imepokewa na Haakim.

(3) Imepokewa na Haakim.

## Maelezo kuhusu Ijumaa

1. Lililo sunna kuhusu mimbari iwe ni daraja tatu, kwa kumfuata Mtume ﷺ.
2. Si katika sunna kile kinachoitwa “suratul Jumu’ah” ambapo wenye kuswali wanakaa kumsikiliza msomaji kuwasomea baadhi ya aya za Qur’ani mpaka kuadhiniwa Swala ya ijumaa au kutoa nashidi na dhikri kwa pamoja kupitia vipazasauti.
3. Mwenye kuswali akihudhuria na imamu anahutubu, basi na aswali rakaa mbili fupi kabla hajakaa, kwa kauli ya Mtume ﷺ: (Anapokuja mmoja wenu Ijumaa, basi na aswali rakaa mbili na azifupishe)<sup>(1)</sup>.



Minbari yenye daraja tatu

(1) Imepokewa na Bukhari.



## Mlango wa Swala

4. Mweye kuhutubu ataomba akitumia kidole chake cha shahada, na hatainua mikono yake wakati wa kuomba dua isipokuwa katika kuomba mvua au kuomba mvua ikome. Huswain bin Abdurrahman ؓ alipokewa akisema: (Nilimuona Mtume wa Mwenyezi Mungu ؑ na yeye yuwahutubu, akiomba akisema hivi- akiaashiria kwa kidole chake cha shahada-) 205.
5. Swala ya Ijumaa haina sunna ya kabla yake, lakini inapendekezwa aswali sunna ya kawaida kabla ya adhana, kwa kuwa Mtume ؑ alisema: (Mwenye kuoga siku ya Ijumaa akajitwahirisha kwa anachoweza cha kujitwahirisha kisha


akajipaka mafuta yake au akajitia manukato ya nyumnbani kwake, kisha akatoka kwenda Ijumaa, asiwafarakanishe baina ya watu wawili, na akaswali kile alichojaaliwa kuswali, na akanyamaza kimya imamu alipotoka kuja kuhutubu, basi atasamehewa dhambi baina ya Ijumaa ile na wiki nyingine)<sup>(1)</sup>.

(1) Imepokewa Ibn khuzema.



Ataashiria kwa kidole chake





6. Sunna ya baada ya Ijumaa inaswaliwa rakaa mbili kwa hadithi iliyopokewa na Ibnu 'Umar ؓ kuwa alisema: (Alikuwa Mtume wa Mwenyezi ungu ؓ akiswali rakaa mbili baada ya Ijumaa nyumbani kwake)<sup>(1)</sup>, au nne, kwa neno la Mtume ؓ: (Atakayekwa ni mwenye kuswali miongoni mwenu baada ya ijumaa, aswali rakaa nne)<sup>(2)</sup>. na lililo bora ni aziswali nyumbani kwake.
7. Idi na Ijumaa zinapokusanyika, kwa kutoka shakani ni aswali Idi na Ijumaa. Na akiswali Idi ni lazima, kwa uchache, aswali Adhuhuri. Na inaruhusiwa kwa watu wanaokaa mbali, wakiswali Idi, wasirudi kuswali Ijumaa. Amepokewa Iyaas bin Ramlah al- Shaami akisema: (Nilimshuhudia Mu'awia akimuuliza Zaid bin Arqam: "Je uliwahi kushuhudia pamoja na Mtume wa Mwenyezi Mungu ؓ Idi mbili pamoja? Akasema: "Ndio. Aliswali Idi mwanzo wa mchana, kisha akatoa ruhusa kuhusu Ijumaa, akasema: 'Atakaye kukusanya, basi na akusanye)<sup>(3)</sup>.

(1) Imepokewa na Ahmad.

(2) Imepokewa na Daarimi.

(3) Imepokewa na Jamaa.